



Slippfélagið
Málningarverksmiðja

Skýrsla um grænt bókhald

Slippfélagið í Reykjavík
Tímabilið 1.1.2009-31.12.2009



Efnisyfirlit

Efnisyfirlit	1
Grunnupplýsingar.....	2
Inngangur að grænu bókhaldi.....	3
Staðfesting stjórnar.....	3
Umhverfisstefna	4
Starfsemi Slippfélagsins.....	5
Breytur um auðlindanotkun og umhverfisáhrif.....	6
Hráefnanotkun.....	7
Þungmálmar	7
Klórlíffræn efnasambönd.....	8
Líffræn leysiefni	8
Eiturefni.....	9
Orku- og vatnsnotkun.....	9
Notkun á köldu vatni	9
Notkun á heitu vatni	10
Raforkunotkun	10
Pappírnotkun.....	10
Málma- og plastnotkun	11
Eldsneytisnotkun	11
Spilliefni.....	11
Úrgangur	12
Pappírúrgangur	12
Timburúrgangur	12
Málmúrgangur.....	13
Sorp	13
Úrgangur úr skiljum	13
Mengandi efni í útblæstri	14
Uppgufun lífrænna leysiefna.....	14
Ryk í útblæstri	14
Hljóð.....	14
Birgjar	15
Uppfyllt umhverfismarkmið á undanförunum árum	15
Umhverfismarkmið	16
Lokaorð	16

Grunnupplýsingar

Nafn fyrirtækisins:	Slippfélagið í Reykjavík hf.
Heimilisfang:	Dugguvogur 4, 104 Reykjavík.
Sími:	588 8000
Fax:	568 9255
Netfang:	slippfelagid@slippfelagid.is
Heimasíða:	www.slippfelagid.is
Framkvæmdastjóri:	Pétur Már Finnsson
Stjórn:	Ástgeir Finnsson Pétur Már Finnsson Sveinbjörn Indriðason
Nr. fyrirtækjaflokks:	4.8
Aðalstarfsemi:	Málningarframleiðsla.
Önnur starfsemi:	Sala á málningu, ráðgjöf og rannsóknir á málningu.
Starfsleyfi:	Gildir til 01.02.2016.
Útgefandi starfsleyfis:	Umhverfisstofnun.
Eftirlitsaðili starfsleyfis:	Umhverfis- og heilbrigðisstofa Reykjavíkurborgar.
Mikilvæg umhverfismál:	Mikilvægir þættir sem varða umhverfismál eru orku- og hráefnanotkun. Hugsanleg bein áhrif á umhverfið eru uppgufun af lífrænum leysiefnum og spilliefni frá framleiðslu.



Mynd 1. Verksmiðja, lager og skrifstofa eru staðsettar í Dugguvogi 4 í Reykjavík.

Inngangur að grænu bókhaldi

Slippfélagið í Reykjavík rekur málningarverksmiðju, lager og verslun að Dugguvogi 4. Þetta er í sjötta skipti sem Slippfélagið í Reykjavík sýnir grænt bókhald samkvæmt reglugerð nr. 851 frá 25. nóvember 2002 um að fyrirtæki skuli halda grænt bókhald frá og með árinu 2003.



Félagið fellur þar undir fyrirtækisflokk 4.8. Slippfélagið hefur haldið innra bókhald og kynnt lykiltölur úr því opinberum aðilum samkvæmt starfsleyfi frá 15. september 1999. Starfsleyfi Slippfélagsins var gefið út af Umhverfisstofnun og eftirlitsaðili starfsleyfis er Umhverfis- og heilbrigðisstofa Reykjavíkurborgar. Þessi skýrsla nær yfir tímabilið 1.1.2009 til 31.12.2009.

Staðfesting stjórnar

Þessi skýrsla um grænt bókhald Slippfélagsins í Reykjavík uppfyllir samkvæmt okkar bestu vitund reglugerð nr. 851/2002 og starfsleyfi Slippfélagsins. Næsta skýrsla um grænt bókhald Slippfélagsins verður samkvæmt reglugerð gefin út að ári liðnu.

Stjórn Slippfélagsins í Reykjavík hf. og framkvæmdastjóri staðfesta hér með skýrslu um grænt bókhald fyrir árið 2009 með undirritun sinni.

Reykjavík, þann 15.01.2010.



Pétur Már Finnsson
Framkvæmdastjóri

Umhverfisstefna

Slippfélagsins í Reykjavík



Það er hagur allra að huga að umhverfinu og við viljum öll hreint land, hrein höf og hreint andrúmsloft. Okkur hjá Slippfélaginu er þetta ljóst og þess vegna höfum við ákveðið að marka okkur stefnu og setja okkur markmið sem getur stuðlað að hreinna og betra umhverfi.

Til að þetta megi takast munum við ...

- Sjá til þess að framleiðsluáðferðir hafi sem minnst áhrif á umhverfið, t.d. með hráefnum og tækni sem valda sem minnstri mengun.
- Lágmarka spilliefni og rusl sem fellur til við framleiðslu.
- Framleiða hágæða umhverfisvænar vörur sem hæfa íslenskum staðhættum og gæðakröfum.
- Tryggja að geymsla og dreifing vara sé eins örugg og umhverfisvæn og kostur er.
- Ganga úr skugga um að birgjar félagsins uppfylli og fari eftir umhverfisreglum og lögum.
- Vísa viðskiptavinum á umhverfisvænar leiðir.
- Tryggja að alltaf séu til staðar handhægar upplýsingar um stöðu umhverfismála í fyrirtækinu fyrir þá sem vilja kynna sér þau mál. Félagið hefur áhuga á og vill skiptast á tæknilegum upplýsingum um umhverfismál við önnur fyrirtæki.
- Koma í veg fyrir hugsanleg umhverfisslys og skaða þeirra með fyrirbyggjandi aðgerðum og neyðaráætlunum.

Pétur Már Finnsson
managing director



Slippfélagið
Málningarverksmiðja

Starfsemi Slippfélagsins

Megin starfsemi Slippfélagsins er framleiðsla og sala á málningu og hefur félagið starfsleyfi til að framleiða allt að 2,5 milljónum lítra af málningu, þynnum, lími og lökkum á ári í málningarverksmiðju Slippfélagsins í Dugguvogi 4.

Rekstur málningarverksmiðjunnar fellur undir og hefur verið í samræmi við ákvæði laga nr. 7/1998 um hollustuhætti og mengunarvarnir og nr. 46/1980 um aðbúnað, hollustuhætti og öryggi á vinnustöðum, ásamt breytingum og reglugerða samkvæmt þeim. Nánari upplýsingar um starfsleyfi má finna á vef umhverfisstofnunar, www.ust.is.


Engin alvarleg óhöpp urðu og engar kvartanir bárust frá nágrönum á árinu.

Hægt er að skipta Slippfélaginu í þrjú megin vinnusvæði, þ.e.a.s verksmiðju, lager og skrifstofu. Það vinnusvæði sem hefur langmest áhrif á umhverfið er verksmiðjan, þar sem mest er notkun á orku, vatni og hráefnum. Þar fellur einnig mest til af sorpi og spilliefnum, þar er mesta rykmyndunin og uppgufun lífrænna leysiefna. Engin oliubrennsla á sér stað hjá félaginu.



Mynd 2. Yfirlitsmynd af nágrenni Slippfélagsins. Mynd fengin frá Borgarvefsjá frá www.reykjavik.is.

Framleiðsluferlið er þannig í grófum dráttum, að hráefni eru tekin úr hráefnalager til framleiðslu á málningu. Málningin er næst sett í dósir og umbúðir merktar með notkunar- og öryggisleiðbeiningum. Varan er síðan færð inn á lager og þaðan til viðskiptavinar. Hráefni sem falla til við framleiðslu eru endurnýtt eins og auðið er. Ferlið sést nánar á eftirfarandi mynd.



Mynd 3. Framleiðsluferli verksmiðjunnar. 1. Hráefni flutt inn á hráefnalager. 2. Í framleiðslu er hráefnum blandað saman. 3. Málning sett á dósir og þær merktar. 4. Málning flutt á lager. 5. Málning flutt til viðskiptavinar. 6. Endurvinnsla á málningu. 7. Skolleysiefni hreinsuð og endurnýtt. 8. Ónýtanleg efni send í efnamóttöku.

Breytur um auðlindanotkun og umhverfisáhrif

Við málningarframleiðslu eru helstu beinu umhverfisáhrifin ryk, uppgufun lífrænna leysiefna, sorp, spilliefni og annar úrgangur frá framleiðslu. Dæmi um auðlindanotkun eru síðan orku-, vatns-, hráefnis- og pappírsnotkun starfsseminnar.

Auðlindanotkun	Auðlindanotkun	Auðlindanotkun
Pappír (nótur, tilboð, tækni- og öryggisleiðbeiningar). Rafmagn og vatn. Eldsneyti á bíla.	Pappír (merkingar, flutningsblöð - ADR og öryggisleiðbeiningar). Timbur. Rafmagn og vatn. Eldsneyti á bíla	Pappír (uppskriftablöð og þerripappír). Hráefni. Plast, timbur og málmar. Rafmagn og vatn.
Skrifstofa	Lager	Framleiðsla
Bein umhverfisáhrif Sorp.	Bein umhverfisáhrif Hljóð Sorp.	Bein umhverfisáhrif Uppgufun lífrænna leysiefna. Rykmyndun. Frárennsli. Hljóð Sorp og spilliefni.

Mynd 4. Helstu áhrif verksmiðju á umhverfið.

Flestar tölur í þessari skýrslu um auðlindanotkun og umhverfisáhrif verða sýndar sem massahlutfallstölur miðað við árið 2001, þar sem upplýsingar eru flokkaðar sem iðnaðarleyndarmál.

Hráefnanotkun

Slippfélagið notar rúmlega 200 mismunandi hráefni til framleiðslu sinnar og eru öll meðhöndluð á besta mögulega hátt til að tryggja nýtni og öryggi.

Þessi málningarhráefni eru flokkuð sem litarefni, fylliefni, hjálparefni, vökvi eða bindiefni.

Þessi flokkun er aðeins tæknileg og leiðir ekki í ljós hvar hættur eru til staðar. Hráefni og vörur, sem eru flokkuð sem hættuleg heilsu eða eitruð, eru meðhöndluð með ítrustu varúð og geymd á viðeigandi hátt samkvæmt lögum og reglugerðum¹. Jafnframt hafa starfsmenn aðgang að ítarlegum öryggisleiðbeiningum um hráefni og vörur. Miðað við notkun eru á milli 30-40 % aðkeypra hráefna í framleiðslu merkingarskyld og hafa hættusetningar. Þar af er eitt efni með eiturgerkinguna „T“.


Samkvæmt starfsleyfi ber félaginu meðal annars að skýra frá...

- ✓ Notkun efna sem flokkast sem eitur (T) eða sterkt eitur (Tx) - Samkvæmt reglugerð nr. 236/1990 og síðari breytingum.
- ✓ Notkun hættulegra þungmálma - Samkvæmt mengunarvarnareglugerð 48/1994 og síðari breytingum (sjá nýjar reglugerðir sem gefnar voru út á grundvelli laga nr. 7/1998 um hollustuhætti og mengunarvarnir).
- ✓ Notkun klórlífrænna efnasambanda.
- ✓ Uppgufun lífrænna leysiefna.

Í þessu bókhaldi eru birtar upplýsingar um þessa flokka efnasambanda. Ekki öll merkingarskyld efni falla inn í þessa flokkun, þ.e.a.s. nokkur merkingarskyld efni eru ekki flokkuð sem lífræn leysiefni, eitur eða innihalda þungmálma né klór. Aftur á móti nær þessi flokkun yfir meirihluta allra merkingarskyldra hráefna. Jafnframt er skoðuð þróun styrks lífrænna leysiefna í öllum framleiddum vörum. Allar upplýsingar og tölur um hráefnanotkun eru sýndar sem hlutfallstölur miðað við árið 2001, þar sem allar þessar tölur eru viðkvæmar og flokkaðar sem iðnaðarleyndarmál. Árið 2001 er því notað sem viðmiðunarár.

Þungmálmar

Þungmálmar og efnasambönd þeirra eru notaðir í málningu, t.d. sem ryðvarnarefni, þurrkefni, fylliefni eða litarefni. Aukin notkun á hættulegum þungmálma skýrist af aukinni eftirspurn í tilteknum vöruflokkum, t.d. botnmálningu skipa. Þrátt fyrir nokkra aukningu á árunum 2001 til 2004 ber að hafa í huga að hættulegri efnum hefur verið skipt út fyrir minna hættuleg efni eins og unnt er hverju sinni. Aftur á móti dró nokkuð úr notkun á árinu 2005 og sú þróun hefur haldið áfram. Þess ber að geta að Slippfélagið notar ekki tin, blý eða króm í framleiðslu sinni.




Mynd 5. Breyting á notkun fyrirtækisins á milli ára, á efnum sem innihalda hættulega þungmálma. Árið 2001 er sett sem 100

¹ Um sölu, notkun og meðferð hættulegra efna er farið eftir lögum nr. 52/1988 og síðari breytingum um hættuleg efni og eitrefni og reglugerð nr. 236/1990, um flokkun, merkingu og meðferð hættulegra efna.

Klórlífraen efnasambönd


Klórlífraen efnasambönd eru notuð í málningu, t.d. í sæfiefnum, bindiefnum og málningaruppleysum. Notkun á klórlífraenum efnasamböndum hefur minnkað talsvert á undanförunum árum. Minnkunin er að hluta til vegna þess að eftirspurn eftir vörum, sem innihalda klórlífraen efnasambönd, hefur minnkað og tekin hafa verið upp ný hráefni sem innihalda lítinn eða engan klór. Notkun var nánast sú sama árin 2007 til 2009.



Mynd 6. Notkun fyrirtækisins á hráefnum með klórlífraenum efnasamböndum. Árið 2001 er sett sem 100.

Lífræn leysiefni

Við framleiðslu á þynni og tilteknum tegundum iðnaðar- og skipamálninga eru lífræn leysiefni nauðsynleg í framleiðslunni. Bæði sem vökvi í málningunni og til að hreinsa verkfæri. Algengustu lífrænu leysiefnin, sem notuð eru í framleiðslu hjá Slippfélaginu, eru terpentína og xýlen. Almennt séð hefur notkun lífrænna leysiefna farið minnkandi og í staðinn komið vatnsþynnanleg eða þurrefnarkari efni. Það sést best á því að magn leysiefna til að framleiða hvern líter hefur minnkað á milli ára. Þó varð lítilleg aukning milli árunna 2004 og 2005 sem skýrist af breyttri vörusamsetningu. Frá þeim tíma hefur notkun fylgt framleiðslumagni.




Mynd 7. Magn lífrænna leysiefna hjá fyrirtækinu á milli ára. Árið 2001 er sett sem 100.

Fjallað er nánar um uppgufun lífrænna leysiefna í kaflanum um „Mengandi efni í útblæstri – Uppgufun lífrænna leysiefna”.

Eiturefni

Öll eiturefni (T) eru geymd á viðeigandi og óaðgengilegum stöðum, líkt og krafist er í reglugerðum. Mikil minnkun var á notkun eiturefna á árinu 2004, meðal annars vegna þess að þeim hefur verið skipt út í framleiðslu með umhverfisvænni efnum. Hefur sú minnkun haldist. Engar vörur með merkinguna T eða Tx voru í framleiðslu árið 2009 hjá Slippfélaginu.




Mynd 8. Breyting á notkun efna sem flokkast sem eitir (T), skv. Reglugerð nr. 236/1990. Engin efni eru í notkun sem flokkast sem sterkt eitir (Tx). Árið 2001 er sett sem 100. Eiturnotkun áráanna 2004 til 2009 hefur farið síminnkandi og sjást súlur þeirra ára því ekki. Notkun 2009 var aðeins 1,9% af notkun grunnársins 2001.

Orku- og vatnsnotkun

Mesta notkunin á rafmagni og vatni á sér stað við framleiðslu á málningu. Notkun er ekki skipt á milli vinnsvæða og gefnar eru upp tölur fyrir allan almennan rekstur fyrirtækisins.

Notkun á köldu vatni


Kalt vatn er m.a. notað sem hráefni og til hreinsunar á verkfærum. Notkun á vatni sem hráefni hefur aukist vegna aukinnar áherslu á vatnsþynnanleg efni. Nokkur aukning varð milli áráanna 2004 og 2006, en tekist hefur að halda í horfinu síðan.



Mynd 9. Meðal dagsnotkun á köldu vatni hjá fyrirtækinu á milli ára. Árið 2001 er sett sem 100.

Notkun á heitu vatni


Heitt vatn er aðallega notað til húshitunar og hefur notkun þess minnkað örlítið. Þetta er ekki mikil breyting og eflaust skiptir tíðarfar mestu máli.



Mynd 10. Notkun á heitu vatni hefur minnkað nokkuð hjá fyrirtækinu frá árinu 2001.

Raforkunotkun

Rafmagn er notað til að knýja öll tæki fyrirtækisins, t.d. tölvur, prentara, hrærivélar, ljós og þökkunarvélar. Talsvert stór hluti raforkunnar fer í fasta notkun. Jafnvel þó að sumar málningartegundir og meiri framleiðsla krefjist aukinnar orku hefur notkun minnkað milli ára frá 2004.



Mynd 11. Virðist stefna í lækun á daglegri notkun rafmagns.


Pappírnotkun

Félagið notar talsvert magn af pappír við daglegan rekstur, t.d. eru allar nótur prentaðar á pappír og einnig er talsvert notað af pappír í verksmiðju. Hins vegar hafa samskipti á rafrænu formi aukist mikið á undanförunum árum, t.d. hefur símbrefanotkun minnkað en rafpóstur aukist. Notkun pappírs á skrifstofu og í sölu hefur minnkað, þar sem margar upplýsingar eru á rafrænu formi á heimasíðu Slippfélagsins, www.slippfelagid.is. Þar mætti t.d. nefna tækni- og öryggisupplýsingar. Reynt er að endurnýta t.d. A4

pappír eins og auðið er með að prenta á báðar hliðar. Einnig er reynt eftir fremsta megni að senda pappírsganga í endurvinnslu. Aftur á móti er aukning í notkun á A4 pappír og virðist það að mestu leyti stafa af aukinum umsvifum og ADR-flutningsslysablöðum og öryggisblöðum sem fylgja eiga málningavörusendingum.

Málma- og plastnotkun

Málmar og plast eru að aðallega notað í umbúðir fyrir tilbúna vöru og millilager og í ýmis konar plöstun. Breytingar endurspegla framleitt magn.




Mynd 12. Breyting á notkun málma og plasts á milli ára. Árið 2003 er sett sem 100. Lítil breyting er á milli ára.

Eldsneytisnotkun

Notkun á eldsneyti felst aðallega í daglegum rekstri ökutækja, eins og flutningabíla og fólkubíla. Á árinu 2009 voru notaðir um 3289 l af bensíni. Af díselolíu voru notaðir 6919 l. Er það nokkur samdráttur frá fyrra ári.

Spilliefni

Öll meðferð spilliefna er á þann veg að um sé að ræða hættuleg efni. Flokkun á spilliefnum er mikilvæg til að takmarka kostnað og koma í veg fyrir hugsanlegar hættur. Spilliefni eru flokkuð samkvæmt flokkun móttökustöðva. Langstærsti hluti spilliefna eru fljótandi lífræn spilliefni skilað til Hringrásar í 200 lítra ílátum. Þessi spilliefni myndast við þvott á málningarkerjum og er að langmestu leyti terpentína og xýlen. Skilað magn er mjög breytilegt á milli ára.




Mynd 13. Breyting á förgun spilliefna frá rekstri fyrirtækisins á milli ára. Árið 2001 er sett sem 100.

Úrgangur

Það er margvítt sem fellur afgangi við rekstur málningarverksmiðju fyrir utan spilliefni. Annar úrgangur er flokkaður í samræmi við kröfur móttökustöðva.

Pappírsúrgangur

Óvenju lítið lagðist til af pappírsúrgangi miðað við fyrri ár, og hefur þessi liður farið síminnkandi.




Mynd 14. Magn af pappír hjá fyrirtækinu sem sent hefur verið í endurvinnslu.

Timburúrgangur

Timbur er aðallega notað í bretti undir vörur og hráefni. Mikið af þessum brettum koma frá hráefnabirgjum og eru endurnýtt eins oft og mögulegt er. Brotin bretti og annað timbur sem fellur til er sent flokkað í endurvinnslu.


Nokkrar sveiflur eru á milli ára. Þær skýrast að mestu leyti af því, hvoru megin við áramót timburgámur er sendur í endurvinnslu. Einnig getur þörf viðskiptavina á brettum verið mismunandi á milli ára.



Mynd 15. Förgun afgangi timbers á milli ára. Árið 2001 er sett sem 100. Timburafgangur koma að mestu leyti frá ónýtum brettum.

Málmúrgangur


Málmur kemur að mestu leyti frá hráefnaumbúðum, eins og til dæmis tunnur af öllum stærðum og gerðum. Reynt er að nýta og endurvinna þessar tunnur eins og hægt er. Það sem ekki er nothæft er síðan sent flokkað til endurvinnslu.



Mynd 16. Förgun málmfanga á milli ára. Árið 2001 er sett sem 100.

Sorp

Þau efni sem eru flokkuð sérstaklega í endurvinnslu eru málmur, pappír og timbur. Annað sem er ekki unnt að flokka frekar, fer sem grófflokkað sorp.



Mynd 17. Lítil breyting er á förgun sorps á milli ára. Inni í þessum tölum eru ekki spilliefni, flokkaður pappír, úrgangur úr skiljum, málmur og flokkað afgangstimbur. Árið 2001 er sett sem 100.

Sorpmagn sem fellur til frá félaginu breytist lítið á milli ára.

Úrgangur úr skiljum

Affall frá hráefnalager, porti og framleiðslu fer í gegnum setskiljur og olíuskilju áður en það fer í holræsakerfi borgarinnar. Frá því olíuskiljan var tekin í notkun árið 1999 hefur ekki gerst óhapp þar sem reynt hefur á olíuskiljuna og aldrei hefur fundist merki um olíur eða lífræn leysiefni í henni. Sandur og aur berst í niðurföll og skiljur og er skiljan því tæmd reglulega, síðast sumarið 2009.


Mengandi efni í útblæstri

Efni sem geta borist út í andrúmsloftið frá verksmiðju og valdið hugsanlegri hættu eru fyrst og fremst ryk og lífræn leysiefni. Útblástur frá framleiðslu fer í gegnum loftræstikerfi út um þrjár mismunandi túður á þaki.

Uppgufun lífrænna leysiefna

Flest lífræn leysiefni, sem notuð eru í málningu, hafa tiltölulega mikin uppgufunarhraða. Því er erfitt að tryggja, að ekki tapist einhver hluti efnanna vegna uppgufunar við framleiðslu. Rýrnun má skipta í tvennt, þ.e.a.s. þvottaskol sem er fargað sem spilliefni og það sem gufar upp í andrúmsloftið. Til að áætla hversu mikið tapast út í loftið er rýrnun á lífrænum leysiefnum fundin út frá birgðabókhalda. Útreikningar eru háðir nokkrum óvissuþáttum en einn sá veigamesti er styrkur lífrænna leysiefna í spilliefnunum.

Áætlað er að meðaltali 50 % af spilliefnunum séu lífræn leysiefni. Miðað við þær forsendur tapast innan við 0,2 % af heildarnotkun lífrænna leysiefna við uppgufun við framleiðslu. Þetta reiknaða tap hefur að vísu sveiflast nokkuð milli ára, sem orsakast væntanlega af erfiðleikum við mat á birgðum í niðurgrofnunum tönkum. Samkvæmt starfsleyfi má ekki meira en 2,5 % af heildarnotkun leysiefna tapast út í andrúmsloftið. Reiknað tap árið 2009 reyndist langt innan þeirra marka.



Mynd 18. Ferli lífrænna leysiefna í framleiðslu. Rýrnun skiptist í tvo þætti, þ.e.a.s. því sem er fargað sem spilliefni og það sem gufar upp.

Ryk í útblæstri

Mesta rykmyndunin er þegar þurrefnum (fylliefni og litarefni) er bætt út í vökva við málningarframleiðsluna. Það ferli stendur stutt yfir eða þar til duftið hefur blandast vökva. Reynt er eftir mestum mætti að halda öllu ryki niðri við framleiðslu.

Nýsköpunarmiðstöð Íslands hefur séð um mælingar á ryki frá verksmiðjunni. Mælt var ryk á framleiðslutíma frá verksmiðjunni 30. júní 2009, við almenna starfsemi og mæltist það vera að hámarki 21 mg/Nm^3 , miðað við 1 klst. Krafa starfsleyfis er hins vegar 25 mg/Nm^3 . Mælingar á rykmyndun frá félaginu hafa því mælst vera innan marka samkvæmt starfsleyfi.

Hljóð

Þau tæki sem mynda mestan hávaða í verksmiðjunni eru lyftarar og hrærivélar. Hljóð frá þessum tækjum eru staðbundin og tímabundin og eru óveruleg. Engin kvörtun um hávaða hefur borist félaginu og talið er víst að hávaði frá verksmiðju sé vel undir þeim viðmiðum sem eru í reglugerð nr. 933/1999 um hávaða.

Birgjar

Slippfélagið gerir miklar gæða- og umhverfiskröfur til sinna birgja. Eins og getið er í umhverfisstefnu er fylgst náið með því hvað birgjar eru að gera í umhverfismálum og leitast er við að fá ætíð sem umhverfisvænust efni. Einnig er samvinna við birgja mikilvæg við þróun á enn betri vörum.

Uppfyllt umhverfismarkmið á undanförunum árum

Slippfélagið hefur í gegnum tíðina framleitt og selt gæðavörur til að fegra og vernda hluti og mannvirki. Félagið hefur reynt að vera í fararbroddi í umhverfisvænum lausnum fyrir viðskiptavinum sína og lagt áherslu á að þróa og finna vörur sem hafa sem jákvæðust áhrif á umhverfið. Slippfélagið markaði sér skýra umhverfisstefnu í apríl árið 2001 og er leitast við að fylgja henni í allri starfsemi fyrirtækisins.

Margt hefur áunnist á undanförunum árum til að gera rekstur og vörur umhverfisvænni, þar mætti meðal annars nefna...

- ✓ Slippfélagið hefur verið í fararbroddi hér á landi hvað varðar framleiðslu á tinlausri botnmálningu á skip og hefur öll botnmálning verið tinlaus í rúman áratug.
- ✓ Allar framleiðslu- og söluvörur hafa verið blýlausar í meira en 5 ár.
- ✓ Árið 2001 var hætt framleiðslu á vínýlmálningu sem innihélt mikið magn af lífrænum leysiefnum.
- ✓ Aukin áhersla á vatnspynnanlega þakmálningu og vatnspynnanleg lökk.
- ✓ Aukin áhersla á þurrefnisríkari málningarefni, sem innihalda minna magn af lífrænum leysiefnum.
- ✓ Lífræn leysiefni eru endurnýtt til þvotta eins oft og auðið er.
- ✓ Öll spilliefni fara flokkuð í spilliefnamóttöku og unnið er vandlega eftir ábendingu móttökuaðila.
- ✓ Vörur eru vel merktar með notkunar- og öryggisleiðbeiningum á íslensku. Jafnframt eru til ítarlegar tækni- og öryggisupplýsingar um hráefni og vörur, sem segja m.a. til um þekktar hættur gagnvart lífverum og umhverfi og hvernig skuli bregðast við þeim. Slippfélagið í Reykjavík hefur fengið viðurkenningu frá Vinnueftirliti Ríkisins fyrir öryggisleiðbeiningar félagsins.
- ✓ Stóraukin notkun gagna á rafrænu formi hefur minnkað notkun pappírs við pappírsfrekar aðgerðir bæði hjá Slippfélaginu og viðskiptavinum þess.
- ✓ Fylgst er með eldsneytiseyðslu bifreiða í Grænu bókhaldi.

Umhverfismarkmið

Eitt aðalmarkmið vöruþróunar Slippfélagsins hefur verið að þróa enn umhverfsvænni vörur sem hæfa íslenskum staðháttum og standast gæðakröfur. Jafnframt hefur verið reynt að þróa framleiðsluaðferðir enn frekar þannig að þær hafi sem minnst áhrif á umhverfið.

Meðal atriða sem stefnt hefur verið að:

- Finna fleiri hráefni sem minnka álag á umhverfið, en draga þó ekki úr gæðum.
- Minnka notkun lífrænna leysiefna á hverja framleidda vörueiningu.
- Minnka notkun klórlífrænna efnasambanda og hættulegra þungmálma.
- Finna leiðir til aukinnar endurvinnslu.
- Stuðla að minni pappírnotkun.
- Fækka eiturefnum og minnka notkun þeirra.

Hér hefur þó vöruþróun erlendra hráefnaframleiðenda ráðið ferðinni.

Lokaorð

Við framleiðslu og notkun á málningu er að mörgu að hyggja og víða kunna hættur að leynast. Slippfélagið í Reykjavík hefur því lagt ríka áherslu á að öryggis- og umhverfismál séu ofarlega í hugum starfsmanna og viðskiptavina þess. Hluti af því var umhverfisstefna félagsins og markmið hennar. Grænt bókhald hefur verið mikilvægur þáttur til að fylgjast með hvort umhverfisstefna félagsins sé virk og hvar hefur mátt bæta sig. Í framhaldi af því mun þessi skýrsla um grænt bókhald gefa viðskiptavinum og nágrönnum tækifæri á að fylgjast með þróun umhverfismála félagsins.

Þar sem framleiðslu í húsnæði Slippfélagsins var hætt í ársbyrjun 2010 og hún sameinuð framleiðslu Málningar hf, verður þessi skýrsla sú síðasta sem gerð er undir nafni Slippfélagsins.